

ՀՐԱՆՏ ԹԱՄՐԱԶՅԱՆ

Վախճանվեց Հրանտ Թամրազյանը: Քիչ է ասել Հայ գրականագիտությունը, առհասարակ Հայ հոգևոր կյանքը շատ բան կորցրեց: Նոր սերունդներ կղան, նոր անուններ կծագեն Հայ մաքի հորիզոնում, բայց այն, ինչ կապված էր Հրանտ Թամրազյանի անվան հետ, այլևս չի կրկնվի...



Հրանտ Թամրազյանն այն համաստեղությունից էր, որ հրապարակ եկավ 1950-ական թվականներին և միանգամից տիրական դիրք գրավեց մեր դրականագիտական կյանքում: Բայց տասնյակ տաղանդավորների շարքում սեփական փայլը պահպանելու համար բացառիկ մասնագիտական օժտվածությունից բացի ինչ-որ ուրիշ բան էր պետք: Հենց այդ ուրիշ բանն էր, որ նրան դարձրեց Հրանտ Թամրազյան:

Թվարկե՛լ բոլոր այն ծառայությունները, որ մատուցել է նա Հայ գրականագիտությանը, այսօր անշուշտ արժե:

Նրա երիտասարդական հետաքրքրությունների աշխարհը Նիրվանադադեն էր՝ զուսպ, խստաշունչ, բայց և տրամադրող մի աշխարհ, որն ուսումնասիրողից ևս պահանջում էր զգաստ միտք ու կշռադատ հայացք: Թամրազյանն այս ամենից բացի ուներ նաև խառնվածքի ավյուն, հոգու կրակ, եռանդ ու ողևորություն: Եվ հրապարակ եկավ մի նոր Շիրվանդադե, որ տարբեր էր նախորդ բոլոր ուսումնասիրողների տեսածից ու ճանաչածից:

Տարիների ընթացքում թամրազյանական այդ տարերքը պիտի ծավալվեր նորանոր ու միշտ անակնկալ ուղղություններով: Սիամանթո, Մեծարենց, Տերյան, Չարենց, Թումանյան... Տասնյակ մենագրություններ, հարյուրավոր հոդվածներ ու ուսումնասիրություններ: Շիրվանդադեի արձակի հողեղեն ճշմարտություններից դեպի պոեզիայի երկնային ոլորտները: Անհաբիր թվացող այս եզրերը գիտնականի վերլուծական զուգահեռներում ընդհանրանում են, միավորվում, մեկը մյուսին լրացնելով՝ բացահայտում դեղարվեստական իմացության այնպիսի հորիզոններ, որոնք տեսանելի էին միայն թամրազյանական մտքին ու զգացողությանը:

Այդպես նա 60-ական թվականների սկզբին Հայանագործեց մի նոր Սիամանթո. մենագրությունը կարճ միջոցում հրատարակվեց երկու անգամ: Հետո գալիս են չարենցյան անակնկալները. նոր լույսի տակ է երևում երիտասարդ Չարենցը, նորովի է ընթերցվում «Խմբապետ Շավարշը»: Մեծարենցի, Տերյանի նրբահյուս քնարական աշխարհները դեռևս չնկատված շերտեր են բաց անում թամրաղյանական զարմանալի ներքնատեսության առջև:

Այսպես, մեր գասական գրականության ինչ ընագավառի էլ մերձենում էր նա, տալիս էր թարմ գաղափարներ, ձևավորում էր մտքեր հուզող նոր պատկերացումներ: Եվ ակտիվ գործունեության տասնամյակների ընթացքում թրծվում է գրականագիտական մի ոճ, որն այլևս ոչ ոքի հետ չի կարելի շփոթել:

Բայց գիտական անակնկալների շարքը շարունակվում է: Հրապարակ է գալիս «Հայ քննագատության պատմություն» առաջին գիրքը: Գիտական միտքը հանկարծակի է գալիս. պարզվում է գեռևս V դարում ունեցել ենք զարգացած քննադատական միտք: Տարակույսներ, թեր ու դեմ կարծիքներ, վեճեր: Իսկ երբ իրար հետևից լույս աշխարհ են գալիս երկբորդ, երրորդ գրքերը, դիտական միտքը համոզվում է, որ այս անգամ էլ դրականադետոր հավատարիմ է մնացել ինքն իրեն. գնացել է ոչ թե տրորված ճանապարհով, այլ բացել է նոր ճանապարհ:

Թամրաղյան մտածողի համար գասական մշակույթի աշխարհը միայն պատմությունն էր, այլ շարունակվող կենդանի ավանդույթ, որ բանալիներ էր տալիս նորագույն իրողությունները հասկանալու և գնահատելու համար: Եթե տեսականորեն սա միայն դրույթ էր, ապա քննադատ թամրաղյանը դրան գործող սկզբունքի կենդանի շարժում հաղորդեց: Նրա հոգվածներում ամենուրեք զդացվում է ժամանակների կայր, գրական անցյալը շարունակվում է ներկայի մեջ, ներկան իմաստավորվում է անցյալով: Այդպիսով՝ աշխույժ միտքը, ակտիվ բնավորությունը, բանաստեղծական խառնվածքը նրան հնարավորություն են տալիս իր անհատականության անկրկնելիությունը պահպանել նաև քննադատության մեջ: Թամրաղյան անհատականությունը կարող էր բանաստեղծ լինել, և այս դեպքում Հայ ժամանակակից քննադատությունը շատ բան կկորցներ: Բայց եթե դարձել էր քննադատ, Հայ բանաստեղծությունը միայն շահում էր նրա վառվառուն ելույթներից, սուր մտքի ճշգրիտ դիտարկումներից: Այդպիսին էր նա՝ բանաստեղծության մեջ քննադատ, քննադատության մեջ՝ բանաստեղծ: Քչերն են այդպես ծնվում:

Թամրաղյան մտավորականի կերպարը թերի կլինեն առանց նրա բազմամյա դիտական-մանկավարժական գործունեության երևանի պետական համալսարանում: Քանի՜ սերունդներ են անցել նրա մտավոր ու հոգևոր դաստիարակության բովով, քանի՜ քանիսն են նրա սաներից այսօր հանրապետությունում ճանաչված գիտնական, գրող, մանկավարժ, մշակութային ու հասարակական գործիչ: Նրանցից յուրաքանչյուրի մեջ մի մասնիկ է մնացել իրենց ուսուցչի հույությունից: Եվ մի՞թե դա մարդու հարատևության իսկական դրավականը չէ: Հրանտ Թամրաղյանի գործը

շարունակող այգ հարյուրավորները դեռ շատ տասնամյակներ կենդանի կպահեն նրա դիտական ու մարդկային կերպարը:

Եվ սա միայն պատշաճության խոսք է, որ սովորաբար ասվում է նոր հեռացածի թարմ հիշատակին: Մենք նրա սաներից յուրաքանչյուրս, ամեն քայլափոխի զգացել ենք նրա պահանջկոտ ու հոգատար հետաքրքրության ջերմութունը՝ ուսանողական նստարանից մինչև դիտական աստիճաններով տիտղոսավորված տարիքը: Նա ուսուցիչ էր բառի ազնվական իմաստով: Ուսանողին կարողանում էր ոգևորել գիտելիքների ծարավով, ասպիրանտը նրա ղեկավարությամբ գտնում էր իր որոնումների ճիշտ ճանապարհը, գիտության ավելի բարձրերը ձգտողների համար անփոխարինելի խորհրդատու բարեկամ էր: Մեր սերունդը բախտավոր պիտի համարի իբեն, որ եղել է նրա ժամանակակիցը, աշակերտել է նրան, նրա հետ աշխատել է համալսարանական նույն հարկի տակ: Մայր բուհը գեռ երկար ժամանակ է զգալու նրա բացակայությունը:

Թամրազյան գիտնականը լավ գիտեր նաև մարդ ու քաղաքացի լինելու արվեստը, որ նրա մոտ ոչ թե ձեռքբերովի, այլ ընածին էր: Դրա մեջ էր նրա անհատականության հմայքը: Զկար որևէ խնդիր, որի կողքով անտարբեք անցներ նա: Եվ արձագանքը միշտ ըուռն էր, ազնիվ շահադրձություն կրակով լի:

Այլ էր Թամրազյան անհատը իր սիրած ընկերական հավաքույթներում: Ուր լինում էր նա, մթնոլորտը լցվում էր գրավիչ խոսք ու զրույցով, գիտական ասուլիսները ջերմանում էին նրա հարուստ ու վառ անհատականությունից ըխող անբացատրելի թովչություններով:

Այդպիսին էր նա իր ապրած կյանքում, այդպիսին էլ կմնա, քանի դեռ կա գրականությունը, քանի դեռ զգացվելու է գրականության մասին դիտության կարիքը:

ԼԱՐԻՍԱ ՄՆԱՑԱԿԱՆՅԱՆ